

b.e.r.r.i.a.k

Z.i.r.i

JOSE ANTONIO REKONDO

Hernaniko alkatea



«Hernaniar gehien-gehienak, baita HBri botoa ematen dioten gehienak ere, kale indarkeriaren aurka daude»

EL MUNDO

JORDI PUJOL

Kataluniako Generalitateko lehendakaria




«Hurrengo hilabeteetan batez ere gai autonomikoez ariko gara»

LA VANGUARDIA

JOSE LUIS RODRIGUEZ

Kubako Ekonomia ministroa



«Prest gaude beharrezko erreforma guztiak egiteko, daukagun helburua lortzearen: gure sozialismoa hobetzea, baina ez azkenean kapitalismora iristeko. Gure ereduari, Estatuak eginkizun estrategikoa betetzen du»

EL PAIS

JOSE MIGUEL ARANA

Gurutzetako Ospitaleko Pediatria Zerbitzuaren arduraduna



«Bere seme-alabei gorputza kolpez beteta duten pampina horietako bat erosten dienak ez du oso normala izan behar»

EL CORREO

i r i t z i a

zuzendaria

OHARRA: Iritzi ezberdinek tokia izan dezaten, ez da komeni makinaz idatzitako 15 lerro baino luzeago idaztea gutun hauetan. Idatzi duenaren izena, telefonoa, helbidea eta NANen zenbakia agertu beharko dira. Laburtu behar izanez gero, zuzendaritzak bere esku du horretarako eskubidea. Erdaraz iristen diren gutunak ez dira argitaratuko. Gutunak faxez, posta arruntez edo posta elektronikoz bidal daitezke (helbide elektronikoa: egunka 01@ mx.sarenet.es).

Unibertsitatearen aurkako salaketa

1996ko urriaren 31ean Euskal Herriko Unibertsitateko Gipuzkoako Campuseko Batzordeak Campuseko ikasgelategia eraikitzeke galari heldu zion. Ikasgelategia zuhaitzak dauden zona batean eraikitzea aurreikusi da, alegia, 50 urtetik gorako 17 platano eder dauden tokian, eta ikasgelategia eraikitzeke zuhaitz hauek botatzea onartu zen.

Lursail honetatik 30 metro baino gutxiagora Unibertsitateak beste lursail bat du, askoz ere zabalagoa, eta bertan beste eraikin batzuk aurreikusi direlarik, ondo asko kokatu liteke bertan ere ikasgelategia, modu honetan zuhaitzia bere horretan mantenduz. Are gehiago, behar bezalako proiektuaren bidez zuhaitzia dagoen tokian bertan eraiki liteke, suntsipen masiboa burutzeko beharrik gabe.

Ez dut ulertzen nola hartu ahal izan den tankera honetako erabakia, platanoak mantenduz ikasgelategia eraikitzeke nahikoa toki egonda. Euskal Unibertsitate Publikoa zuzentzen dutenei bost axola ote zaie Campusaren erdialdean dagoen zuhaitzi eder hau besterik gabe suntsitzea? Edota ez al da nahikoa informaziorik egon?

1996ko abenduaren 31n, goizeko lehen orduan, Gipuzkoako Errektoreordearen aginduz, langile batzuek zuhaitz guztiak moztu zituzten.

Agian argudiatuko dute segurtasunagatik eta ikastegun baten erritmo arruntan gora-beherak ez eragiteagatik aukeratu dutela data hau zuhaitzak mozteko. Baina ezin dut burutik kendu unibertsitateko ikastegiak itxita eta ikasleak eta irakasle edo administrazio zein zerbitzuetako langile gehienak oporretan dauden egun hori aukeratzea, ondo pentsatutako erabakia dela, zuhaitzen suntsipen

publiko honek unibertsitateko kide gehienengan eragingo lukeen haserre eta arbuioa ekitzeko asmoz.

Jakin badakit platanoak mozteko Errektoreordearen erabaki honek Campuseko Batzordearen baimena jaso duela, eta beraz, bidezko erabakia dela. Hala ere, oso erabaki okerra iruditzen zait, eta uste dut Gipuzkoako Campusaren garapenaren alde egiteko ardura dutenek sekula ez zutela horrelako erabaki bat defendatu behar izan. Era berean, oso gaizki iruditzen zait zuhaitzen mozketa hau burutu den modua, azpijokoaren bidez eta ezkutuan, eta hausnarketa handiagoko eskariei jaramonik egin gabe.

Hau dela-eta, gai honetan erantzukizunik handiena duen pertsonaren dimisioa eskatzen dut jendaurrean, hau da, Gipuzkoako Campuseko Errektoreordea den Jose Luis de la Cuesta jaunarena.

• Cecilia Sarasola

(EHUko Kimika Fakultateko irakasle titularra, eta beste 36 sinadura)
DONOSTIA

Juanito Trecet

Kaixo Juanito. Eskutiz hau ez litzateke idatzi beharrik izango espetxean zuretzako azken egunak diren hauetan berriro ere izorratu izan ez balizute. Atzo bertan esan zidaten zure askatasunaren data urtarrilaren 16an ezarri dutela, eta honek egia esan behar badizut poza eman beharrean niri barnean kriston amorrua sortu zidan. Zeren eta ondo bai dakit Gabonetako egun hauek etxean egoteko ilusio handia zeneukala, eta berriro ere ikusten dut 18 urteetan ilusiorik eta eskubiderik txiki eta handiena zapaltzeko inongo oztoporik ez dutela. Bitartean Herri honen aurka gerra zikina egin

duten horiek etxean egoteak lasai ederrean afaltzen, niri egoera hau eraman ezina egiten zait. Momentu berdinean Juanito zuretzako justiziarik ez dago Demokrazia honetan. Euskalduntzako justiziarik ez dago demokrazia Español honetan.

Herri osoan zure askatasunaren data ugari zabaldu dira, duela 5 urtetik hona, legez orduan bete baitzenuen zure zigorraren 3/4. Gaur zigorra bukaturik eta espetxean oraindik ere egun gehiago daramatzazunean zure askatasunaren benetako data izango dena jakin dugu. Egundorren zai gaude Lezotarrok zeren eta guk ezin baititugu ospatu Gabonak gure etxeetan zuek falta zaretelarik. Ezin baititugu ospatu Gabonak gure Euskal Herri honetako eta bere biztanleentzako justiziarik eta demokraziarik ez den bitartean.

Besterik gabe, Juanito, zuretzat eta zure espetxeko kide guztientzako besarkada handi bat, badakit egun hauetan oso urduri egongo zarela eta egun txarrak izango direla zuretzako. Urtarrilaren 16a bitarteko egunak iristeko gogoz Juanito eutsi, zure duintasuna hor goian ikusten baitu Euskal Herri osoak.

• Iñigo Esnaola Arbiza
LEZO (GIPUZKOA)



— Programa aldaketa: Zairerako taldeak Paris-Valence TGVarekin hasiko dira!

Emilio Lopez Adan**Anakronismoak**

Tupac Amaru Mogimendu Iraultzailea anakronikoa omen da. Hori erran du *Le Figaro* egunkariak. *Le Figaro*-ren bezeroak, diotenez, jende aberatsak, zaharrak eta hirinagusikoak dira; tatarra daramate lepoan, eta etxean txalekoa jaten dute. Kontserbadurismo zaharkitua ordezkatzen duen egunkariarentzat, Tupac Amaru Mogimendu Iraultzailea anakronikoa da. Alta, egunkari horiek kontratatzen dituzte profesional trebeak, eta usu mihia ematen dute mina dagoen lekuan.

Eskuin eta ezkerreko ikuskatzaile askoren ustez, gerrila iraultzaileen denbora bururatua zen. Munduan gaindi diren hainbeste konfliktoren artean, Ameriketa-

koek gordetzen zuten kutsu ezkertiar klasikoena, eta orain Ertamerikan bakea aitzina ari da: gatazka odol-

tsuenak baretzen ari dira Nikaraguan, El Salvadorren, Guatemalan. Bestalde, inperialismoa ez da lehen bezalakoa: Estatu Batuen interbentzioak diktaduren aurka egiten dira, Haitin adibidez, eta beraien babesgoarekin ia kontinente osoan demokrazia parlamentarioa eta merkatu ekonomia nagusi egin dira. Onartu behar dugu ingurune honetan borroka armatuaren forma historiko bat anakronikoa dela: mundua inperialismoaren eta bloke sobietarraren artean banatua zen denborakoa. Oraingo yankeek ez dute edozein asto militar laguntzen diktadura sortzeko komunisten aurka; bestalde, bukatua da Kubaren garaia, erran nahi baita Kuba ez dela gehiago aberatsen mamua ez eta txiroen itxaropena. Bistan dena, joan da Sobiet Batasunaren itzala eta Ekialdeko Alemaniak ez ditu gerrileroak zailtzen. Hots, blokeen arteko gerla hotza bukatua da eta arestiko dinamika antiinperialista eraman du. Garai hori atxikiak ziren borroka armatuak anakronikoak dira.

Alta, arrazoin osoa ez diogu emanen *Le Figaro*-ri. Amerikak aldatu dira, baina aldakuntzak ez dio gauza handirik ekarri jende xeheari. Gehiengoaren bizimoldea hondatzen ari da Amerika Latino osoan. Pobreen kopurua emendatu da eta marginatu politikoa eta sozialak ugariak dira, ba-

tez ere indioen artean; demokrazia parlamentarioa aberatsen zerbitzutan dago eta ustelkeriarekin arrunt nahasia dabil. Sistema politiko eta soziala ez da gauza errei-bindikazio politiko eta ekonomiko gorriei irtenbidea emateko. Ingurune honetan ageri dira talde armatu berriak eta hildakotzat jotzen ziren batzuk, Tupac Amaru Mogimendua bezala, berpiztu dira; borroka armatu iraultzailea bukatua edo guztiz menderatua zela fedezko egia bihurtzen zenean, erreferat! Eta berriak berri. Kolonbian, Perun eta Mexikon ari direnek ez dute gehiago aipatzen aitzineko katezismoa: bukatu dira ekialdeko gauza miresgarriak, desagertu alderdiaren diktadura iraultzailea eta ekonomia-estatu-nazionalizazioak. Pentsamolde berriak neo-liberalismoa eta marginazioa kondenatzen ditu, helburua du zinezko demokrazia, eta bide iraultzaileak, borroka armatua barne, jende-eskubideen errespetuaz oratu nahi ditu. Biolentziaren beharra aktuala dela diote, eta edukin berria ematen dute.

Ez dut uste borroka armatua anakronikoa denik; badira errebolatzeko arrazoin onak, premiatsuak, eta boteretsuen zinis-moa ospatzen duen demokrazia neo-liberalak ez die etorkizun onik agintzen menperatuei. Aldatu dira, halere, borrokaren edukin ideologikoak eta hortaz ohartu behar gara. Arrunt anakronikoa da atzoko modeloei lotua gelditzea eta Lenin-en berpiztea ez da biharko.